

Prekalo projekti "Zoralipe pala e diskriminacija", kova éerol I Televizija Pi kanal, uzalo Ministarstvo aškalo informisanje thaj telekomunikacije, prekalo Konkursi aškalo projektija ko čhibja nacionalna manjine andi 2023. berš, éerdo Okruglo kašutno, kate vačerde tari diskriminacija: Radmila Nešić, koordinatorka aškal o rromane pučiba thaj predsednica UG "Ternipe", Tijana Hristov- đizutnji uprava hem Marjan Ćirić, direktori tari Ekonomsko škola.

Radmila Nešić, vačerđa kaj isi len lačni saradnja e đizutnji uprava Pirot, najbut inicijative ostvarinde pe, thaj aračhol pe ando strateška lilja thaj ando budžeti. But éerol pe bući ko tereni e Rromesa thaj Romnjasa, vačeren lenđe taro lengora krisja, tari diskriminacija, sar te reaguvinen... Udruženje éerđa but tribine, delinđa lenđe lilja, dinja informacije prekalo amalipaske mreže, thaj sa e Roma džanen sar te prijavinen i diskriminacija. Organizacija but éerđa aškal e Romnjen, a važno i vršnjačko edukacija, sose i diskriminacija počninol predrasudajencar, sose o čhave barjon ando familije kola nanaj prave vrednosti, ali ako injam različita, sarore injam manuša. Šukar i kaj sa o sikavne obeležinen Romano Đive, vačeren taro lenđeri istorija, kultura, identiteti, thaj adžukhar smanjinol pe i diskriminacija, stereotipija thaj predrasude. Ando Pirot, 100% čhave džan andi osnovno sikavni, ando srednje 95%, a isi hem but romane čhave kola džan ando fakultetija ili već završinde le. Ako završinde fakultetija, ona ipak diskriminirime kana manden te aračen bući, so vačerđa amende thaj tajno pučipe taro poslodavcija, vačerol i Radmila Nešić.

Tari đizutnji uprava Pirot, vačerđa Tijana Hristov aškal i diskriminacija, thaj sar šaj te deluvina protiv la:

Điz već but berša isi strateška lilja sar bi unapredina prevencija aškali diskriminacija thaj te čera inkluzija. Važno i te isi manuš andi điz kova éerol bući aškal i diskriminacija thaj te pomogninol okolenđe kola i diskriminirime. Kana vačera taro lilja kola konkretno éeren bući i Lokalno akciono plan aškal bući, aškal rodno ravnopravnost, aškal čhave, terne, ali ka éerol pe bući hem aškal Roma hem Romnjen, sose i angalutno već završinol pe. I điz redovno dol sanja aškal socijalno zaštita, ali i aškal o projektija sar i "Sigurno stanovanje" thaj socijalno inkluzija ando Pirot. But i važno o rodno odgovorno budžetiranje, so pomogninol te o sanja andaro budžeti- den pe ravnomerno hem te čera bari ravnopravnost, so o điz i mandol, vačerol i Tijana Hristov.

Marjan Ćirić, direktori andari Ekonomsko sikavni- tari diskriminacija andi sikavni:

Marjan Ćirić vačerđa kaj andi sikavne, kana vačera taro Roma hem Romnjen, sa i po hari, kana vačera tari bući. Lenđeri sikavni éerol bući aškal bezbednost taro čhave hem profesorija, ali hem ki zaštita tari diskriminacija, bilačhipe hem zanemarivanje. I sikavni éerđa Tim aškal i zaštita tari diskriminacija, hem éerol sastancija, edukacije, aškal čhave thaj lenđere roditeljija. Ćirić vačerđa kaj isi len lačni saradnja e "Ternipe", thaj e đizutnji upravaja, ali vačerđa kaj andi Ekonomsko sikavni hem ando avre sikavne- na ulo prijavime ni jek diskriminacija.

Ki Ekonomsko sikavni džan 30 romane čhave hem čhaja, kola ista sar avere čhave, a éerol bući thaj profesorka kulinartva koja i Romnji- Zorana Kostov, koja i aktivna ko sa projektija so éerol i sikavni.